

**128. fundur Skóla- og frístundaráð, haldinn í fjarfundi,
21. apríl 2020 og hófst hann kl. 16:00.**

Fundinn sátu:

Bára Daðadóttir formaður, Sandra Margrét Sigurjónsdóttir varaformaður, Ragnar B. Sæmundsson aðalmaður, Valgerður Janusdóttir sviðsstjóri skóla- og frístundasviðs og Friðbjörg Eyrún Sigvaldadóttir verkefnastjóri.

Fundargerð ritaði: Valgerður Janusdóttir, sviðsstjóri skóla- og frístundasviðs.

Fyrir tekið:

1. 1811112 - Umhverfisstefna Akraneskaupstaðar

Skipulags- og umhverfissráð óskar eftir umsögn ráðsins um umhverfisstefnu Akraneskaupstaðar.

Skóla- og frístundaráð fagnar metnaðarfullri umhverfisstefnu Akraneskaupstaðar og felur sviðsstjóra að koma athugasemdum um aðgerðaráætlun á framfæri við umhverfisstjóra.

2. 1901197 - Skátafélag Akraness - þjónustusamningur

Drög að þjónustusamningi við Skátafélag Akraness lögð fyrir fundinn.

Skóla- og frístundaráð samþykkir að vísa meðfylgjandi samningi til bæjarráðs til afgreiðslu.

3. 2003133 - Aðgerðir Akraneskaupstaðar vegna Covid-19

Óöryggi atvinnumála ungmenna og þeirra sem eru 18 ára og eldri á Akranesi í sumar.

Skóla- og frístundaráð óskar eftir því við bæjarráð að hugað verði að stöðu ungmenna og þeirra sem eru orðin 18 ára og hafa þörf fyrir vinnu á komandi sumri með vísan í aðgerðapakka Akraneskaupstaðar vegna Covid-19. Jafnframt er óskað eftir því að sviðsstjórar skóla- og frístundasviðs, skipulags- og umhverfissviðs og velferðar- og mennréttindasviðs meti stöðuna með Vinnumálastofnun og lagðar verði fram upplýsingar og móti tillögur í samræmi við aðgerðaráætlun ríkisstjórnar frá 21. apríl 2020 á næsta fundi skóla- og frístundaráðs.

4. 2003133 - Aðgerðir Akraneskaupstaðar vegna Covid-19

Staðan í stofnunum á skóla- og frístundasviði vegna Covid-19.

Skóla- og frístundaráð þakkar stjórnendum og starfsfólki á skóla- og frístundasviði fyrir dugnað við skipulagninu og útfærslu starfs við breyttar aðstæður. Ráðið þakkar foreldrum/forráðamönnum og börnum fyrir sýnda samstöðu og þolinmæði á þessum fordæmalausu tímum og hvetur alla til áframhaldandi úthalds.

5. 2002139 - Þróunarsjóður skóla- og frístundasviðs 2020

Styrkir úr þróunarsjóði skóla- og frístundasviðs voru auglýstir til umsóknar og rann umsóknarfresturinn út 15. mars.

Á fundi skóla- og frístundaráðs þann 18. febrúar sl. ákvað ráðið að setja eftirfarandi verkefni í forgang; foreldrasamstarf og samstarf á milli skólastiga. Þessar áherslur

útiloka ekki önnur verkefni.

Aðeins ein umsókn barst og var hún frá Þorpinu í samstarfi við Skátafélag Akraness. Markmið verkefnisins er að þróa útilífs- og ævintýranámskeið fyrir 11 - 12 ára börn. Gefa krökkum á þessum aldri tækifæri til að kynna skáta og björgunarstarfi í verki, en lítið hefur verið um tilboð fyrir þennan aldursþóp yfir sumartímann annað en hefðbundið íþróttastarf. Skóla- og frístundaráð samþykkir kr. 550.000.

Þar sem aðeins ein umsókn barst leggur skóla- og frístundaráð til að þróunarsjóðurinn verði aftur auglýstur í byrjun hauststarfs og þá með sömu áherslum og áður.

Fleira ekki gert, fundi slitið kl. 17:30.